

**Празднование  
второго обретения  
и пренесения честных  
и целебносных мощей  
преподобного  
и богоноснаго  
отца нашего Ионы,  
сже творим в Неделю  
по Всемирном  
Воззвании Честнаго  
и Животворящаго  
Креста Господня**



**Празднование второго обретения и пренесения честных и  
цельбеносных мощей преподобного и богоноснаго отца нашего  
Ионы, сже творим в Неделю по Всемирном Воззвищении  
Честнаго и Животворящаго Креста Господня**

Праздник же сей празднуем по обычаю, си есть правим всенощное бдение.

**Зри, яко попраздства служба оставляется за величие святаго, понеже тако повеле Главы о храмех.**

**НА ВЕЛИЦЕЙ ВЕЧЕРНИ**

Кафизма 1-я вся. На Господи воззвах поставим стихов 10 и поем стихиры Воскресны приходящаго гласа 3, и восточна 1 и святому 6, глас 1. Подобен: **Небесных чинов:**

**Небесных чинов радование\*** и на земли человéков весéлие,\* в настáвшее ныне торжество\* честнáго обрétения чудотвóрных мощéй\* во отцéх великáго и преподобнаго Ионы,\* тогó молитвами, Христé, спасí дúши наáша.

**В**ы́спрь на небеси́ Ангели ráдуются,\* и низу на земли человéцы ликовствóют,\* и Цéрковь Бóжия украшáема, веселíтся\* о преславном пренесéнии честных мощéй твойх,\* отче Ионо, Христú вопиющи:/\* Ты ми держáва, Христé, и утверждéние.

**Глас 6:** **Приидите, празднолюбцы\*** и постников сословие,\* вéрою сошédшеся,\* истиннаго постника почтим днесъ, Иону\* с весéлием шéство- вавшаго по стопам Владыки своегó\* узкий путь и безстрастную жизнь,\* и вéрою возопий:/\* о всеблажéнне!\* Преподобным сожíтелю и постнику похвалó,\* о нас молися ко Господу,\* помíловатися душам нашим.

**Ины стихиры святому, глас 4. Подобен: Дал еси знáмение:**

**Дал еси украшéние Цéркви Твоéй, Господи,\***

честны́я и многощелéбныя мόщи\* преподобного Ионы, Твоего угодника,\* и, яко утварь цáрскую имúщи, красу́ется,\* и, яко венéц пресвéтлый но-сáщи, веселитсѧ,\* созывающи своя чáда,\* и́хже водою и ду́хом евáнгельски породí.\* Тéмже Твоé человеколюбное смотрéние слáвим,\* Иисúсе Че-ловеколюбче\* и Спáсе душ наáших.

**Д**ал еси держáву необорíму\* стóльному гра́ду Кíеву, Гóсподи,\* и всем Рúсским концéм утвер-ждéние,\* честней же обýтели Твоéй твérдое ук-реплéние\* и стéну непоколебíму — \* цельбонós-ныя и святáя мόщи\* преблажéнного Ионы, Тво-его рачítеля.\* Тем Твойа человеколюбныя щед-роты слáвим,\* Иисусе Всесíльне\* и Спáсе душ наáших.

**Д**ал еси Рúсскому отéчеству, Гóсподи,\* твérдое защищéние, и ору́жие спасéния,\* и вóем его ве-ли́кое на сопротивныя одолéние,\* святítелем же честноé украшéние\* и всем болáющим врачевство беzméздно — \* святáя мόщи преподобного и треб-лажéнного Ионы,\* и́хже ныне радостно облобы-заем,\* исцелéния различная приéмлюще.\* Твоé неизречéнное милосéрдие слáвим,\* Иисúсе Бла-госéрде\* и Спáсе душ наáших.

**Слава, глас 6.**

**П**риспé днесъ пráздник пренесéния честных тво-их мощéй,\* преподобне отче наш Ионо,\* созы-вáя всех вéрно торжествовáти,\* в память твою глагóлюще:/\* ráдуйся, Божéственного Дúха жи-лище всеосвящéнное и стóлпе благочéстия.\* Ра-дуйся, иже Бóгом дáнный тебé талант умнóжи-вий, преподобным похвалó.\* Ра-дуйся, мíру све-тильниче всесвéтлый и наше утешéние.\* И ныне, предстóя Христóву Престóлу,\* молí избáвитися нам от всякаго гнéва и скóрби\* и бúдущую слáву полу-чити,\* вéрно пráзднующим святую твою па-мять.

**И** ныне: **Богородичен 1-й, приходящаго гласа.**

**Вход. Прокимен дне. И чтения.**

**Притчей чтение.**

**П**амять пра́веднаго с похвалáми, и bla-  
гословéние Господне на главé егó. Бла-  
жéн человéк, иже обрéте премúдрость:  
и смéртен, иже увéде разум. Лучше бо  
сию куповáти, нéжели злáта и сребrá  
сокróвища. Честнéйшая же éсть каме-  
ний многоцéнных, все же честнóе не-  
достóйно ея есть. Долготá бо дней, и  
лéта животá в деснице ея: в шýице же  
ея богáтство, и слáва. От уст ея исхó-  
дит пра́вда, закón же и мíлость на язы́ще  
нóсит. Послúшайте úбо менé, о чáда!  
честnáя бо реку: и блажéн человéк, иже  
путь моя сохранít: исходи бо мой, ис-  
ходи животá, уготовляется хотéние от  
Гóспода. Сего ráди молю вас, и предла-  
гаю мой глас сыновом человéческим: яко  
аз премúдрость устроих совéт, и разум  
и смысл аз призвáх. Мой совéт и утвер-  
ждéние, мой разум, мой же крéпость.  
Аз менé любящия люблю, ищащии же  
менé обрящут благодáть. Разумéйте úбо  
незлóбивии кovárство, ненаказаннии же  
прилагáйте сердца. Послúшайте менé и  
пáки, честnáя бо реку, и отверзу от ус-  
тén пра́вая: яко истине поучíтся гор-  
тáнь мой, мérзки же прéдо мнóю устны  
лжíвыя. С пра́вдою всí глагóлы уст мó-  
их: ничтóже в них стрóпотно, нижé раз-

врашено: Вся пра́ва суть разумеваю-  
щим, и прости обретающим разум. На-  
учу́ бо вас истине, да бу́дет о Господе  
надежда ва́ша, и исполнитеся Духа.

Притчей чтение.

Устá пра́ведного кáплют премудро́сть,  
язык же непра́ведного погибнет. Устнé  
мужéй пра́ведных кáплют благодáти, ус-  
та же нечестивых развращаются. Мé-  
рила льстивая мéрзость пред Господем:  
вес же пра́ведный приятен Ему. Идéже  
аще внидет досаждение: тамо и безчес-  
тие: устá же смиренных поучаются пре-  
мудро́сти. Совершено́е пра́вых наставит  
их, и поползновéние отрицающих упа-  
сёт их: Не пользуют имéния в день яро-  
сти, пра́вда же изба́вит от смерти. Умер  
пра́ведный, остави раскаяние: нарúчна  
же бывае́т и посмеятельна нечестивых  
пáгуба. Прáвда непорóчного исправля-  
ет пути, в нечестие же падает непра́в-  
да. Прáвда мужéй пра́вых изба́вит их:  
безсовéтием же плениются беззаконии.  
Скончáвшуся мóжу пра́ведну, не погиб-  
нет надежда: похвалá же нечестивых  
погибнет. Прáведник от лóва убегнет,  
вместо же его предаётся нечестивый. Во  
устех нечестивых сеть гра́жданом, чу́в-  
ство же пра́ведных благопоспéшное. Во  
благих пра́ведных испра́вится град, и в  
погибели нечестивых радование: Во бла-

гословéнии прáвых возвы́сится град, ус-  
ты́ же нечестíвых раскопа́ется. Ругá-  
ется грáжданом лишённый ráзума, муж  
же мудрый безмóлвие вóдит.

**Премудрости Соломоновы чтение.**

**П**ráведных дúши в руцé Бóжией, и не прикоснется их мúка: Непщевáни бы-  
ша во очесéх безумных умréти, и вме-  
ни́ся озлобléние исхóд их: И éже от нас  
шéствие сокrúшение, они́ же суть в мý-  
ре. Ибо пред лицéм человéческим, áще  
и мúку приимут, упováние их безsméр-  
тия испóлнено: И вmaле накázани быv-  
ше, вели́кими благодéтельствовани бú-  
дут, яко Бог искуси́ я, и обрёте их дос-  
тóйны Себé. Яко злáто в горнийле иску-  
си́ их, и яко всеплóдие жéртвенное при-  
ят я. И во вréмя посéщения их возсия-  
ют: и яко искры по стéблию потекúт:  
Сúдят языком, и обладáют людьми, и  
воцарítся Господь в них во вéки. На-  
деющиися Нань разумéют истину, и вéр-  
нии в любви пребудут Ему. Яко благо-  
да́ть и милость в преподóбных Егó, и  
посещéние во избрáнных Егó.

**На литии стихира храма и стихирь святому,**  
**глас 1.**

**П**риидите, свящéнных собóри\* и православ-  
ных исполнéние,\* приидите, монáхов совокупlé-  
ние,\* и внидем, ráдующеся, в цéрковь Бóга на-  
шего,\* и чудотворную ráку преподóбного отца  
Ионы обычим радостно,\* яко чудéс сокróвище

неизъемлемо,\* и, честныя его мόщи любовию лобызающе,\* различных недуг свободимся,\* и душам спасение приимем, вопиюще ему:/\* о всеблаженне отче Ионо,\* моли Преблагаго Бóга нашего\* даровати пособие на враги отечеству нашему,\* и спасти души наша.

**Д**несь веселится небо свыше,\* и земля радуеться с человéки,\* и да ликовствуют новоизбранный русстии собори,\* и светлоторжествуют монашеская совокуплēния,\* святая же Церковь Бóжия и дивная в правду,\* яко пресвётыми зарями просвещаема,\* многих чудес наполняющися\* от честных и многоцелебных мощей преподобного отца Ионы,\* всю вселенную созывает похвалити подвиги его.\* Тем вси, сошедшеся,\* тогó обретение в пésнех и пéниих весело празднующи,\* воспоеи Христá Бóга нашего,\* да подаст нам молитвами его мир и велию милость.

**Н**аста́ днесь свётое торжество\* пренесения мощей Богоблаженного отца Ионы:/\* приидите, вси вернии,\* Церковь Бóжию пésнами венчаем\* и вней прославим в Троице певаемаго Христá Бóга нашего,\* вопиюще и глаголюще:/\* Ты даровал еси, Владыко Христé, Твоего угодника,\* граду нашему Кíеву стéну,\* всем Русским концем крепкаго предстателья показал еси,\* и христоименитым людем таковаго чудесоподателя,\* и молитвенника о душах наших.

### **Слава: глас 6.**

**П**риидите, монашествующих множество днесь,\* Иону, благочестия подражателя,\* пésнами и пéньми восхвалим\* и, честную его и многоцелебную раку обстояще,\* любезно облобызаем, глаголюще:/\* радуйся, прославне Ионо,\* отечеству твоему пресвётый светильниче.\* Радуйся, яко чисте чистейшему Свёту совокуплься.\* Радуйся, яко Троице предстойши со Ангелы,\* Юже не-

престанно моли́\* даровати душам нашим вёлию ми́лость.

**И** ныне: Богородичен глас тойже: **Творе́ц и Из-бáвитель.**

**На** стиховне стихиры Воскресны приходящеагласа.

**Слава, преподобнаго, глас 8:**

**М**онахов мнóжества,\* настáвника тя почитáем, отче наш Ионо,\* твоéю бо стезéю воистину право ходити познахом.\* Блажéн еси, Христу́ рабóтав\* и врáжию обличíвый сíлу,\* Ангелов со- бесéдниче, преподобных сопричáстниче и прáведных,\* с нýми же моли́ся Гóсподеви\* помилова- тися душам нашим.

**И** ныне, Богородичен, глас тойже: **Безневéстная Дéво.**

**На** благословении хлебов Богородице Дево дважды и святаго единожды.

**Тропарь, глас 4:**

**Т**войх мощéй возвращéнием\* обýтель твой обогати́ся,\* цéрковь же твой, при- éмши я, просвети́ся,\* и, крася́щися, вéрных созывае́т с весéлием\* светонóсный твой свéтло прáздновати дéнь,\* гряди- те, глагóлющи,\* и приимите благода- тей даровáния.

**НА УТРЕНИ.**

**На** Бог Господь: тропарь воскresен приходяще- го гласа дважды. **Слава, святаго. И** ныне, Богоро- дичен: **Еже от вéка.**

**Седальны по кафисмах воскresны приходяще- го гласа.**

**Припев же полиелея:**

**У**блажа́ем тя, преподобне отче наш Ионо, и почита́ем цельбоносных и честных твоих мощей обретение.

**И** тропари Ангельский собор:

**По** полиелеи Ипакои приходящего гласа и седален, глас 1.

**Подобен:** **Гроб** Твой:

**В**еликий пастырь наш ныне да похвáлится,\* монашеский пресвётльй столп да воспоéтся пе́сньми,\* просвещаяй нас чудес светлостьюи, от пречестных его мощей исходящими,\* и яко росодательный облак, погашаяй плáмень страстей наших\* и ороша́й вéрных разумы, Божественный Ионо.

**Слава:** глас и подобен тойже:

**Гроб**, идёже положён был еси в цéркви твоей, преподобне,\* благоухание испуща́ет приходящим вéрою,\* и память твой веселит сердца вéрных.\* Тем, Владыще предстоя, отче, поминай нас,\* вéрою творящих память твою светоносную и всеосвященную.

**И** ныне, глас и подобен тойже:

**В**сех Творца Бóга же и Содéтеля, Всенепорочная Чистая,\* Духом Божественным в ложеснах зачала еси,\* Егоже слáвяще, Тя воспева́ем, Дево,\* яко Палату Царя всех и мýра заступление.

**Антифоны** степенны приходящего гласа.

**Прокимен** глас 4: **Честна** пред Гóсподем смерть преподобных Его.

**Стих:** **Что** воздáм Гóсподеви о всех, яже воздадé ми.

**Всякое** дыхание:

**Евангелие** Матфея, начало 43.

**По Евангелии поем: Воскресение Христово видевше:**

**По 50-м псалме: Слава, Молитвами преподобного отца нашего Ионы:, И ныне, Молитвами Пресвятой Богородицы:, Стихира глас 6:**

**Духа Святаго благодатию\* собравшеся днесъ христоименитии,\* лик составим в честнѣмъ храмѣ отца нашего\* и, Преблагаго славяще Владыку,\* ко Преподобному молѣбне воззовемъ:\* молися прилѣжно Господеви\* избавитися всячаго вреда душетленнаго\* чтущимъ любвию свѣтлыи праздникъ\* мощей твоихъ возвращенія.**

**Каноны: Воскресен приходящаго гласа на 3 и Богородицы гласа 1 и святыму 6, глас 4.**

**Песнь 1**

**Ирмос: Отверзу уста моя:**

**Плести пение сие малое мощей возвращению Твоего угодника, Христу, во отверзение уст моихъ слово ми даруй по достоянию сего воспети, Человеколюбче.**

**Озарий мя разумомъ къ пению сему молитвами твойми, отче Ионо, святости твоей вещати словеса похваления, яко живу ты сущу, живи бо Божии праведнии вси.**

**Пренесения твоего честную восхваляющу ми, отче преблаженне, память, с Небесе просвещение подати мне моли, Ионо, и душетленныхъ прегрешений прощеніе.**

**Последовать восхотев Господу, блаженне, ко**

преподобному Серафíму пришéл есí, с нímже в обýтeli Саровстей затворився мíра кромé, Бóгу неотлúчен пребы́л есí.

**Крестá Господня** сíлою укрепля́ся, страсти ду-  
шевныя и плотскóе мудровáние дúху покорíл есí,  
и сего ráди Дúху Пресвятóму прекрасная обý-  
тель быв и нераздéльныя Трóицы избрáнно покó-  
ище.

**Богородичен:** Освятí, Влады́чице, осквернéнное  
сéрдце моé, Яже Пресвятóе Слóво рóждшая, сú-  
щи всех Святéйшая Вы́шних сил, Едíна Всепé-  
тая.

**Катавасия:** Крест начертав:

**Песнь 3**

**Ирмос:** Твоя песнословцы:

**Хвалó** твоé в пúстыни пребывáние, ублажáю  
яже в ней пóдвиги, прославляю ангелоподóбное  
воздержáние, почитáю память твою, воспеваю и  
честныхъ мощей твойхъ возвращéние.

**С**вет немерцающий возсия́ тебе, яко прáведни-  
ку, егóже от юности прáвым сéрдцем взыскáл есí,  
Йоно. Сего ráди во Свéте непристúпнем вéчно  
веселишися.

**С**обрася тогдá мнóжество иночествующих с на-  
ставником, ёже пренести мóщи преподобного Ио-  
ны, с ними и мы днесь в память пренесения его  
духóвно прáзднуем.

**Н**есть лéпо овцáм своеГО лишénным быти пás-  
тыря, ни пásтырю тákожде своя óвцы оставляти,  
твой ученицы, собравшеся, глагóлаху, отче Ио-  
но.

**Н**е добро есть пребывати учíтелю нашему вне  
обýтeli и цéркви своея, юже сам основáл есть,  
твой ученицы глагóлаху, отче преподобне.

**Богородичен:** Кроплéнием милости Твоей, Дé-

во, углие погаси мойх страстей, Богородованная,  
и угасший возжий светильник сердца моего, зла-  
тый свещниче, Всенепорочная.

**Кондак, глас 8. Подобен: Взбранный:**

**Н**аследник отцёв был еси, преподобне, тех по-  
слеудя житию и учению, обычаю и воздержа-  
нию, молитве же и предстоянию. С нимже,  
имея дерзновение ко Господу, прощение согре-  
шений и спасение испроси вопиющим ти: ра-  
дуйся, отче Ионо.

**Икос:**

**А**нгельски пожив на земли, преподобне, Анге-  
лов похвалы на Небеси сподобился еси: како убо  
воспою твоё пресвятое житие и премногия твой  
добродетели, знамения же и чудеса, имиже вся  
просвещашаши, яко солнце? Тёмже вопио тебе та-  
ковая: радуйся, от младенства Христу последова-  
вый; радуйся, вся земная яко умёты вменивый;  
радуйся, приложи страстей умертвивый; радуйся,  
обличивый начала тмы и власти; радуйся, Небес-  
ных взыскавый паче земных; радуйся, вожделе-  
вый премудрости Божия; радуйся, сподобившийся  
зреть Непостижимаго; радуйся, Троицы Пресвя-  
тая проповедниче; радуйся, Богородицы служи-  
телю; радуйся, иконов славо и похвало; радуйся,  
имже избавляемся от вреда вражия; радуйся, о  
немже спасаемся вси. Радуйся, отче Ионо.

**Седален, глас 4. Подобен: Явился еси днес:**

**П**амять боящихся Бога веселит верных, при-  
идите убо, и мы в память пренесения преподоб-  
наго отца нашего Ионы воспоём Бога, сего про-  
славшаго.

**Слава, и ныне, Богородичен, глас 3. Подобен:  
Красоте девства:**

**Н**едомысленно и непостижимо есть, Владычи-  
це Богородованная, еже содеянное на Тебе

страшное Бóжие тáинство: и́бо Необымéнного, зачéнши, родилá есí, плотиу обложéна от пре- чистых кровéй Твойх, Егóже всегда, Чистая, яко Сына Твоегó молí спаси́ся душам нашим.

#### Песнь 4

**Ирмос:** Седай в славе:

Просвети́ся днесь преславно храм Троицы, при- ем своеего служителя преподобного, сияюща све- товидно и лучи исцелений испущающа всем не- оску́дно с верою к нему приходящим.

Благое совещание ваше, о богоблаженнии от- цы, красное совокупление, постнический соборе, яко потща́стеся пренести вашего пастыря и учите- ля, светозарного светильника, бодраго ума.

Место, идёже положены быша честныя мόщи твой, преподобне, ископоваша, егда обретоша, аbie наслади́шася благоухания Духа Святаго, обильным исцелением всех сердца веселящаго.

Твоя обитель, видевши тя днесь, яко жива, к ней возвращающаяся, возрадовася неизреченно и с любовию прия тя многою, якоже отца своего и теплого заступника.

**Богородичен:** Смиренное, Единая Чистая, и прокаженное сёрдце моё нечистыми страстей наведении, яко врач, исцели и руки бесов- ския исхити.

#### Песнь 5

**Ирмос:** Ужасошася:

Яко кри́н благовонный, от земных недр изда- шася честныя мόщи твой, преблаженне Ионо, и, яко сокровище, чудес зарю испущают, веселяще духовная чада твой.

Иноков сословие и вси нынешняго рода пра- вославни, стекшиеся усердно, к раце припа- дём дивного Ионы, да кийждо дар равен

усéрию своеу приимет.

**М**ноголéтное пощéние, яко в чúждем телесí, страдáльчески прешéд, ко Гóсподу взýде, насыщáтися пíщи нетлéнныя со всéми святýми.

**Е**же от погоста Зверинéцкаго мощéй твойх возвращéние днесъ прáзднующе, любóвь изрядную, яже к тебе, показуем и, пéсными похвальными усéрдно тя ублажающе, мíлости Бóжия прósим получить молýтвами твойми.

**Ч**умертвíв плотскóе мудровáние, страстéй мóре мятéжное изсушíл еси, едíною надéждею вечных благ укрепíвся, яже ныне приял еси, преподобне, извéстно.

**И**όно всечестне, Ангелов равностоятелю, твойх мощéй возвращéние чтúще, якоже Давíд пред сéнным ковчéгом, скáчуще дúхом, с вéрою играем, веселящеся.

**Богородичен:** Песнопоя Тя, Всепéтая, слáвлю величия Твой. Тéмже нечýстых мя страстéй избáви и вéчныя слáвы сподоби.

### Песнь 6

#### **Ирмос: Божественное:**

**П**риидите, вéрнии, пéсни духовныя приносящe, Иóну любóвию ублажíм и по дóлгу воспоéм, память пренесéния его свéтло прáзднующe.

**В**оспоéм свéтлаго, изрядного в чудесéх, велика-го в добродéтелей, дóbляго житиém, слáвнаго угóдника Живоначáльныя Тróицы и Пречíстая Богорóдицы, блажéннаго Иóну.

**Н**а Небесéх ныне ликовствúя со Ангельскими вóинсты радостно, óтче пребогáте Иóно, благодáть и спасéние даровати молýся любóвию поющим тя.

**Н**а страсти мýжески подвизáвся, óтче, бесóм сопротивился еси доблестенно и, плоть покорíв

духу, блаженство достиг вечное.

**Ми́ра** попече́ние отри́нув и слáву его́ нивочто-  
же вменíв, слáвы бúдущия взыска́л еси́, молчá-  
нием возлюбíв Бóгу угодíти на землý. Тем Той  
тя просла́ви, преподобне, на Небесéх.

**Богородичен:** Ума́ моего́ уврачúй сокрушéние,  
Всенепорóчная, исцели́ страсти душí моей и уны-  
ния тму потребí, я́ко да во хвалéнии Тя пою́,  
Присноблажéнную, Богорóдице Всепéтая.

Кондак и икос Воскресны приходящаго гласа.

### Песнь 7

**Ирмос:** Не послужиша:

**Победитель** миродéржа, кня́зя тмы, явíлся еси́,  
враждéбныя его́ стрéлы ору́жием кре́стным и вé-  
рою до конца́ сокруши́в, взыва́я: Бог нам прибе-  
жище и сила.

**Любóвию** Божéственnoю разжигáемь, любé-  
мирский отрéклся еси́ и, крест на рамо взем, Хри-  
сту́ послéдовал еси́, зовýй: отéц наших Бóже,  
благословéн еси́.

**Е**гóже от юности всем сéрдцем возлюбíл еси́,  
Бóга, Тому́ во всей жíзни усéрдно поработал еси́,  
преподобне отче, зовя к Нему прýсно: отéц наших  
Бóже, благословéн еси́.

**Твойx честных** мощéй к нам возвращение нас  
к любви твоей подвиже, преподобне отче, и к  
пéнию всех нас возстáви, и звати научí: отéц  
наших Бóже, благословéн еси́.

**Добродéтели** твойя, яко кадило благовónное, к  
Бóгу взыдоша, тéмже твоé нетлéнное тéло благо-  
ухáнием почтéся, егóже возвращение ныне  
пráзднующe, зовéм: отéц наших Бóже, благосло-  
вén еси́.

**Богородичен:** Предстáтельство ми бúди, Пре-  
чи́стая, к Рóждшемуся из Тебé, оставление лю-

тых долгóв, и Цárствия Бóжия Божéственныйй вход, и пи́щи восприя́тие, и Свéта причáстие мне подаю́щи.

### Песнь 8

#### **Ирмос:** Отроки благочестивыя:

**И**же зéмлю и мóре потребíти хвалáйся, тебé приразíвся, посрáмлен бысть, преподóбне óтче, и до конца низлóжен, тем, дúхом весе́ляся, взыва́л еси: благословíте, вся делá Гос-пóдня, Гóспода.

**М**óре сúётнаго жития дóбре преплýв корабléм воздержáния, вéрою окормляемь и я́дрилом любé Христóвы носíмь, в пристáнище достíгл еси, зовá: благословíте, вся делá Господня, Гóспода.

**Д**ушéю живый в Вы́шних, в земли́ ѹщущим яв-ляеш честны́я твой мóщи, яже вíдевше цéлы и нетлénны и благоухáние испущающия, возрадо-вашася дúхом, глагóлюще: Гóспода пойте, дела́, и превозносите ЕГО во вéки.

**Подобно** есть нам всегда очíма на́шима вíдети честнóу раку отца нашего Ионы и достóйное по-клонéние всегда тому приносíти, преносящии честны́я мóщи глагóлаху, пою́ще: Гóспода пойте, дела́, и превозносите ЕГО во вéки.

#### **Благословим Отца и Сына и Святаго Духа Гос-пода.**

**Веселíтся** днесь Цéрковь Бóжия, яко цáрскою порфи́рою одевающися, честна́я же обýтель твой, Богоблажéнне отче Ионо, яко многоцéнно сокрóвище, имúщи честнóе téло твоé, разлíчна исце-лéния подавающе всем, вéрно пою́щим: Гóспода пойте, дела́, и превозносите ЕГО во вéки.

**Богородичен:** Яви́лася еси Ангелов вы́ши, рóждши Гóспода, Сегó убо молí, Влады́чице Всенепорóчная, плотских вы́ши ми быти ис-

кушéний и Судá избáвитися бúдущаго и вéчныя мóки, Дево.

### Песнь 9

**Ирмос:** Всяк земнородный:

Плотский страсти от юности возненавидев и суетную красоту поправ, пощёнием к Богу превозвился еси, и ныне, со Ангелы предстóй Господеви, моли о чтущих память твою.

Ты пастырь истинный Христова стáда был еси, о нёмже молити не престай всегда, преподобне, даровати нам согрешений оставление, Божественное заступление и вечное радование.

Мéсто, на нёмже сам прéжде смерти своея повелёл еси положену тебе быти, приёмше ныне честное тело твоё, исцеление подавает приходящим с верою.

Иόно всечестне, церковь и сущая в ней чада твой, от враг видимых и невидимых сохраняй, окормляя ко спасению, в страшный же День суда в свою с собою Небесная селения приёмля.

Тя Христос чудесными дарованиями прослави, ещё на земли живущаго, отче, и нетленно тело твоё по смерти соблюде, егоже возвращение по силе днес любовию восхваляем.

**Богородичен:** Спаси мя, Чистая, Спаса рождающая Всещедраго, ущедри раба Твоего и к покаяния пути настáви, лукаваго же соблазны от среды отжени, и тогó мя избави ловления, и огня вечного исхити.

Светилен воскресен от столпов,

Слава, святаго: Подобен: Небо звездами:

Память обретения честных твоих мощей днес празднующе, вопием: со Ангелы предстóй в дерзновении мнозе, всех нас, отче, поминай ко Владыце Христу.

**И ныне, Богородичен воскресен от столпов.**

**На хвалитех ставим стихов 8 и поем стихиры воскресны приходящаго гласа 4 и преподобнаго 4, глас 8. Подобен: ♀, преславнаго чудесе:**

**Преподобне отче Ионо,\* пастыря тя постáви Господь\* Своему стаду;\* ты бо себé наздáв\* на основáнии добродéтелей,\* цéрковь быти Бóгу, бла-жéнне, сподобися,\* всегдá разумному Свéту пред-стóя,\* по достоя́нию от Него прославляе́м.\* Тéм-же тя чтем и ублажáем.**

**Преподобне отче, всечéстне Ионо,\* окрест мо-щéй твойх предстóяще,\* восхваляем труды твой и страдáния,\* слáвим равноángельное воздержá-ние,\* дивíмся чудесéм, имиже обогати́лся еси,\* возвещáем честnáя пренесéния,\* усéрдно поём днесъ возвращéние\* и согласно зовéм в честném хráме твоем:/\* проси нам ми́ра и вéлия ми́лости.**

**Стих: Честná пред Гóсподем смерть преподобных Егó.**

**Преподобне отче Ионо,\* ты усéрдно Бóгу по-служíл еси,\* иночествовав молчáнием\* и воздер-жанием шéствуя,\* смире́нием украшáяся\* и всé-ми добродéтельми просвещéн,\* вéчных благ полу-чил еси.\* Тем и мы, честnúю твою обстóяще раку,\* тя прославляе́м.**

**Стих: Праведник яко фíникс процветéт, яко кедр, иже в Ливáне, умножится.**

**Преподобне отче Ионо,\* аще и тéлом отлучи́лся еси от нас,\* но дúхом с наáми всегдá пребывае-ши;\* се бо, и по смéрти явля́яся, нас посещае-ши,\* от напáстей избавляя\* и печáльныя утешáя,\* погибшая являя\* и больныя исцеляя представительством твойм.\* Тéмже тя вси вéрно ублажáем.**

**Слава, глас 6.**

**Приидите, тéло обстóпим дíвнаго Ионы много-терпеливное, бéсы посрамившее и Ангелы возве-**

сели́вшее, жити́ем жесто́ким Бóгу угоди́вшее и лéтными преходе́ньми тлéнию неподпáдшее. Ве- селите́ся, иноцы, в горé Зверинéцтей живу́щии, се бо преподобный с вáми жи́тельствовати пáки прииде, и доблественне на страсти дерзáйте, на- стáвника имúще, невидимо вас свойми молитва- ми укрепляюща, к немúже вку́пе вси возопи́м, глагóлюще: рáдуйся, Ионо, Трóицы честное жи- ли́ще, рая жи́телю и Цárствия Христóва наслéд- ниче. Рáдуйся, чудéс множеством от Христá Бóга нашего обогащённый, молитвенниче и тéплый наш предстáтелю. Но я́ко дерзновéние имéя ко Гóспо- ду, не престáй моли́тися о и́же вéрою и любóвию почита́ющих честнúю память твою.

**И** ныне, глас 2: **П**реблагословéнна:

**Славословие великое, тропарь воскресен гла- са, и отпуст.**

Слава, и ныне, стихира **Евангельская от столпов.**

**На 1-м часе, и на литургии служба воскресна и храма.**

**На часех тропарь воскресен приходящаго гла- са, Слава, преподобному. Кондаки Воскресен и преподобному пременяюще глаголем.**

**Антифон 1.**

**Дíвен Бог во святы́х Свойх, Бог Из-  
райлев.**

**Молитвами Богородицы, Спасе, спа-  
си нас.**

**Се удали́хся, бéгая, и водвори́хся в пу-  
стыни.**

**Молитвами Богородицы, Спасе, спа-  
си нас.**

**Колéна моя изнемогóста от постá, и**

плоть моя изменяйся елея ради.

*Молитвами Богородицы, Спасе, спаси нас.*

**С**лезами постелью мою омочу.

*Молитвами Богородицы, Спасе, спаси нас.*

**С**лава Отцу и Сыну и Святому Духу, и ныне, и присно, и во веки веков, аминь.

*Молитвами Богородицы, Спасе, спаси нас.*

### **Антифон 2.**

**Т**ерпя, потерпех Господа, и внят ми, и услыша молитву мою.

*Спаси ны, Сыне Божий, во святых дивен Сый, поющия Ти: аллилуйя.*

**Д**а исповедятся Тебе, Господи, вся дела Твоя, и преподобный Твой да благословят Тя.

*Спаси ны, Сыне Божий, во святых дивен Сый, поющия Ти: аллилуйя.*

**И**зведите, яко удиви Господь преподобного Своего.

*Спаси ны, Сыне Божий, во святых дивен Сый, поющия Ти: аллилуйя.*

**И** утрудихся в век, и жив будет до конца.

*Спаси ны, Сыне Божий, во святых дивен Сый, поющия Ти: аллилуйя.*

**Сла́ва:** И ныне: Единородный Сыне.

**Антифон 3.**

Честна́ пред Го́сподем смерть преподобных Егó.

**Тропарь, глас 4:**

Твоих мощёй возвращением\* обитель твоя обогатися,\* церковь же твоя, приемши я, просветися,\* и, красящися, верных созывает с веселием\* светоносный твой светло праздновати день,\* грядите, глаголющи,\* и приимите благодатей дарования.

**Хранит** Господь души преподобных Своих.

**Тропарь.**

Пойте Господеви преподобнии Егó и исповедайте память святини Его, во всех лодех чудеса Его.

**Тропарь.**

**Входное:**

Велий Господь Наш, и велия крепость Егó, Той даст силу и державу людем Своим, благословён Бог.

По входе тропарь воскресен гласа и Троеручице, и Преподобному Кондаки: Воскресен; Слава, Преподобному; И ныне, Троеручице.

Прокимен воскресен приходящаго гласа и преподобному, глас тойже: Честна:

Апостол к Галатом зач. 203, ряд (под зачало) и преподобному к Евеом зач. 335

Евангелие Марка зач 37, ряд (под зачало) и пре-

подобному Матфея зач.43.

Поется Достойно есть.

Причастен воскресен и преподобному.

## МОЛИТВА

О, свящённая главо, ангеле земный и человече небесный, преподобне и богоносне отче наш Ионо, изрядный угодниче Пресвятая и Единосущная Троицы, являющий многия милости живущим во святей обители твоей, и всем, с верою и любовию притекающим к тебе. Испроси нам вся благопотребная к житию сему временному, и нужная к вечному спасению нашему. Послужи предстательством твоим, угодниче Божий, всем нам, к мощем твоим святым припадающим, на враги видимыя и невидимыя одоление, да в мире глубоце пребудет Святая Православная Церковь Христова, и в благоустройении зиждется обитель, юже ты основа, во всяком благочестии нерушимою. Буди всем нам, чудотворче святый, помощник скорый во всякой скорби и обстоянии. Наипаче же в час кончины нашея явися нам заступник благосердый, да не преданы будем на мытарствах воздушных власти злобного миродержца, но да сподобимся непреткновенного восхода в Царствие Небесное. Ей, отче молитвенниче наш присный! Не посрами упования на-

шего, не прéзри смиréнная молéния на-  
ша, и предстáтельствуй за нас пред пре-  
стóлом Живоначáльныя Трóицы, да спо-  
дóbимся вкúпе с тобóю и со всéми свя-  
тыми мы, недостóйни, в селéниих ráй-  
ских слáвити величие, благодáть и мý-  
лость еди́наго в Трóице Бóга, Отца и  
Сына и Святáго Духа во вéки векóв.

**А** идеже прилучится быти празднику сему во от-  
дание Воздвижения, тамо:

**На** велицей вечерни, на Господи воззвах, стихи-  
р 10: воскресны 3: и восточна 1: И праздника 3,  
глас 6: Крест воздвизаемъ: И Ионы 3. Слава, празд-  
ника, глас 2: Приидите вси языцы: И ныне, Бого-  
родичен 1й, настоящаго гласа. Вход. Прокимен  
дне. На литии стихиры праздника: Слава, и ныне,  
праздника. На стиховне стихиры воскресны гла-  
са. Слава, и ныне, праздника. На благословении  
хлебов тропарь праздника дважды и святому, глас  
4, единожды.

**На** утрени, на Бог Господь, тропарь воскресен  
глаза дважды, Слава, святому, и ныне, праздни-  
ка. И до полиелая все воскресно. Величание свя-  
тому. Ангельский собор. Ипакои глаза, и седаль-  
ны святаго с богоодичном их. Степенны глаза.  
Прокимен и Евангелие Преподобному, иже указа-  
ся в службе сей. Воскресение Христово видевше:,  
и по 50-м псалме яко указася в службе сей. Кано-  
ны: Воскресен на 3, и Богородицы глаза на 1, и  
праздника на 2, и Преподобнаго на 4. Катавасия,  
Крест начертав:. По 3-й песни кондак и икос празд-  
ника, и седален святаго, Слава, и ныне, праздни-  
ка. По 6-й песни кондак и икос святаго. Светилен  
воскресен от столпов, Слава, святаго, и ныне, бо-  
годичен воскресен от столпов. На хвалитех ста-  
вим стихов 8 и поем стихиры воскресны, 3: и свя-

таго 2: и праздника 3, с припевы его. Слава, святаго. И ныне: Преблагословенна еси: и прочая службы, на утрени и литургии. На часах тропарь воскресен, а праздника и святаго глаголем пременяюще. По Отче наш кондак воскресен и праздника и святаго глаголем пременяюще же. На литургии по входе тропарь воскресен и праздника и святаго. Кондак воскресен, Слава, святаго, и ныне, праздника.

Того же дне, в онь же празднуем память святаго, вечера, бывает отданье праздника за почесть храма.

Зри, аще ли случится на уtrie храма: Неделя или праздник Христов, или Богородицы, или великаго святаго имущаго бдение, или полиелей, или вход, или паремии, и тогда на вечерни храма отданье не бывает.

На Господи воззвах, стихиры святаго 3: и стихиры рядового святаго 3. Слава, святаго: И ныне Праздника. Сподоби Господи: Исполним вечернюю: На стиховне, стихиры Праздника. Слава, святаго, и ныне, Праздника. По Трисвятым тропарь храма: Слава, святаго, аще есть: И ныне, Праздника. И тако отдается служба храма.

Зри, яко по отдании Праздника Воздвижения приидет отданье и сему святому, твори сице.

На Господи воззвах, стихиры святаго 3: и стихиры рядового святаго 3. Слава, храма: И ныне Богородичен воскресен 1й того же гласа (аще и в среду и в пяток прилучится сие). Входа нет. Сподоби Господи: Исполним вечернюю: На стиховне, стихиры храма (зри на Хвалитех со стихами их). Слава, храма, и ныне, Богородичен воскресен во глас славы. По Трисвятым тропарь храма: Слава, святаго, аще есть: И ныне, Богородичен воскресен во глас. И тако отдается служба храма зде.

